

RAPPORT DA LAS GITAS DA LA PRO SENECTUTE 2023

Darcheu es passada speravia üna stà, e nus vain pudü finir giò nossas gitas. Il plü plaschair ans ha fat chi nun es mai stat gronds discapits, e cha nus vain adüna pudü tuornar sans e salvs a chasa.

Cumanzà nossas gitas vaini sco adüna in avrigl, e quai our il Vnuost. Pervia da la naiv chi'd es amo pro nus, stuvain nus ir sur cunfin. Mo eir in Val Müstair, aint il Parc Naziunal e dafatta in Engadin'Ota eschan nus stats a chaminar. A quels chi d'eiran da la partida haja adüna plaschü bain. Nus vain pudü bivgnantar üna media da 11 persunas la jada (total 70 persunas), e quai es fich allegraivel.

A mai resta quia d'ingrazchar a tuot las persunas chi han tut part in tuot quists ans a nossas gitas, perche per mai es statta in october mia ultima gita cha jau n'ha manà tras. L'on chi vain sun mia successiva Manuela Zen e Rosi Conradin las guidas da las gitas. Ad ellas duos giavüschi inavant bler plaschair.

Jau giavüsch a tuots ün bun inviern sainza accidaints, per cha eschat darcheu fits da prümavaira per ir a chaminar.

Chars salüds

Maria Luisa Zen

Grazia fich, Maria Luisa, per la guida da las gitas dals ultims ons.

